

**TEZAUUR LITURGIC**

**30 OCTOMBRIE**

**ACATISTUL  
SF. MUCENIC  
IOTAM  
ZEDGENIZDE  
DE LA  
PARAVANI GEORGIEI**



**TBILISI, 2000**



# დაუჯდომელი საგალობელი წმიდისა იოთამ ზედგენიძისა, მეფისათვის თავდადებულისა

## კონდაკი 1

ქებით შეგასხამთ, ღირსო იოთამ, და ვითხოვთ შენ  
მიერ შეწევნასა, ხოლო შენ, ვითარცა გაქუს  
კადნიერებად დიდი, მოწყალე-ჰყავ ჩუენ ზედა  
კაცთმოყუარე უფალი, შეგვჭუროს ძალითა თვისითა  
უძლეველითა, ხილულთა და უხილავთა მტერთა  
ჩუენტა ზედა, რადთა ვპოოთ განსუენებად და შუებად  
წარუვალი ქებით შემსხმელთა შენთა: გიხაროდენ,  
წმიდაო იოთამ, სიყუარულისათვის ერისა და  
ერთგულებისათვის მამულისა თავისა თვისისა  
მეფისათვის დამდებელო!

## იკოსი 1

იყავ რად ჰასაკითა სრული, უძლეველ გონებითა, და  
მოუდრეკელ სულითა, უზემთაეს ილუაწე  
კაცობრივისა მის ბუნებისა უძლურებითა, და დასდევ  
თავის შენი მეფისათვის და ერი შენი იკსენ  
მოსალოდებელისაგან საფრჯისა და განსაცდელისა,  
აწცა ნუ უგულებელს-ჰყოფ ვედრებასა ჩუენსა და მეოხ  
გუეყავ წინაშე ღმრთისა, ვიდრე აღსრულებადმდე

საუკუნისა დაიცვას ივერიაჲ და ერი ივერიისაჲ,  
რადთა შეწევნითა შენითა ვიქადდეთ და გნატრიდეთ  
წადიერებითა:

გიხაროდენ, თავადო და მკედართმთავარო,  
უმუსრველო ძეგლო ვაჟკაცობისაო;

გიხაროდენ, გოდოლო შეუძრველო სიმკნისაო;

გიხაროდენ, დიდხელოვანო მტერთა ძლევისაო;

გიხაროდენ, ფარო, დამცველო ერისა შენისაო;

გიხაროდენ, მახზლო ორლესულო, განმკვეთელო  
ბოროტებისაო;

გიხაროდენ, მაგალითო საღმრთოჲსა მკედრობისაო;

გიხაროდენ, დიდებაო ქუეყანისაო და  
სარწმუნოებისაო;

გიხაროდენ, ხატო წინაპართა ჩუენტა სიქუელისაო და  
გულისწმიერებისაო;

გიხაროდენ, ახოვანო, რჩეულო მხედარო, აღმძრველო  
მამაცობისაო;

გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამდებელო!

## კონდაკი 2

განრისხნა რაჲ უფალი ცოდვათათჳს ქრისტიანეთა  
ზედა, აღილო კონსტანტინეპოლი სულტანმა, და  
განლაღნეს თურქნი და იწყეს ბოროტის ყოფად და

მოხრებად ქრისტეს მორწმუნეთა ერთა, ხოლო ჟამთა მათ უმეტეს აღზევდა სამცხისა ათაბაგი ყვარყვარე და განუდგა რად გიორგი მეფესა, დაუცხრომელად ილუწიდა, რადთა დაერღვია ერთობად საქართველოდსა, ხოლო შენ ერთგულ იყავ ღმრთივცხებულისა მის მეფისა და მოყუარულ ერისა და მაქებელ ღმრთისა: ალილუია.

## იკოსი 2

ესმა რად მეფესა განდგომად ათაბაგისად, ალილაშქრა და წარემართა სამცხესა და დასცა რად ბანაკი ფარავნის სანახებსა, შემოუჩინნეს მას მოღალატენი, რადთა მოკლან ცხებული ღმრთისა, ხოლო შენ გესმა რად საშინელი განზრახვად განდგომილთა, შეძრწუნდი და მწუხარე იქმენ ფრიად, რამეთუ შერაცხე საქმწ იგი სირცხვლად ერისა და დამხოზად ერთობისა, ეგრეთვე აწ ამო ჰყვენ საშინელნი მზაკუვარებანი მათნი, რომელნი უკეთურებითა ილუწიან სავნებელად ჩუენდა, და შეუხებელად დაგვიცევ ზედა დასხმისაგან მტერთასა, რადთა სიხარულითა გნატრიდეთ და ვაქებდეთ სპარაზენობასა შენსა ბრწყინვალესა:

გიხაროდენ, ძველთა მათ წარჩინებულთა აზნაურთაგან აღმოცენებულო;

გიხაროდენ, სიყრმითგან სათნოებისმოყუარეობითა განშუენებულო;

გიხაროდენ, სიკეთითა და კაცთმოყუარებითა  
განბრწყინვებულო;

გიხაროდენ, ღმრთივსულიერთა წიგნთა მიერ  
განსწავლულო;

გიხაროდენ, ცხორებითა საჩინოდთა განსრულებულო;

გიხაროდენ, მოწყალებითა გამოჩინებულო;

გიხაროდენ, მამულის სიყურულითა აღგზებულო;

გიხაროდენ, მამაცებრითა სიმკნითა აღჭურვილო;

გიხაროდენ, კეთილმსახურებისა მადლითა  
აღვსებულო;

გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამდებელო!

### კონდაკი 3

მსწრაფლ მიუთხარ რაჲ საქმეჲ ეგე მეფესა, არცა-ღა  
ირწმუნებდა ღალატსა და გულისწყრომითა  
შეგრისხავდა, არამედ შენ კუალად არწმუნებდი და  
აუწყებდი ბოროტსა მას ზრახვასა მახლობელთა  
მისთასა, ამისთჳსცა აღგძრავთ მეოხებად ღმრთისა  
მიმართ, მოიხილოს ჩუენ ზედა, რომელთა არა  
გუაქუს სიტყვსგებაჲ წინაშე მისა, და აღგვავსოს  
მღჳძარებითა საღმრთოდთა, რაჲთა ვეველტოდეთ  
რისხვასა ღმრთივადძრულსა და მადლსა და დიდებასა  
მივსცემდეთ ღმერთსა: ალილუია.

### იკოსი 3

ხვდოდი რაჲ მცნებათა ღმრთისათა და სამართალთა მისთა, მოგცნა შენ განზრახვაჲ კეთილი და სიმტკიცე და ძალი მეფისათჳს თავის დადებისა, და ეტყოდი წადიერებითა: „უკეთუ არა ჭემმარიტ არს სიტყუა ჩემი, აწ გევედრები, რადთა ღამესა ამას მე დავწვე ქუეშაგსა შინა შენსა და უკეთუ მომკლან მე მგონებელთა შენთა მეფედ, ნუ დაივიწყებ ძეთა ჩემთა“. ეგრეთვე აწ ჩუენცა დაგვიცევ ყოველთაგან ჭირთა და განსაცდელთა, რადთა სიყუარულით და მშჳდობით ვცხონდებოდეთ და ვიტყოდეთ ქებულებათა შენთა:

გიხაროდენ, უფლისა მიერ ყოველთაგან გამორჩეულო;  
გიხაროდენ, მადლისა კეთილ-მოქმედებითა განათლებულო;  
გიხაროდენ, ერთგულებითა და სათნოებითა განბრწყინვებულო;  
გიხაროდენ, სანუგეშოდ ეკლესიისა და განსაშუენებელად საქართველოჲსა გამოჩინებულო;  
გიხაროდენ, ერისა შენისა ჳსნად და მოლუაწედ მოვლინებულო;  
გიხაროდენ, ორგულებისა და სივერაგისა მომძულეებულო;

გიხაროდენ, ღმრთისა ძალითა კეთილად  
აღჭურვილო;

გიხაროდენ, დიდთა მათ ღუაწლთა შენთა  
სიმტკიცითა შემკულო;

გიხაროდენ, ქრისტეს მოწამეთა თანა მითუალულო;

გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამდებელო!

#### კონდაკი 4

დათხევაჲ სისხლისაჲ უფროჲს საწადელ გიჩნდა, ჳ,  
იოთამ, ტარიგო ქრისტჳსო სანატრელო, ვიდრელა  
შუებაჲ საწუთოჲსაჲ, და ანდერძად ამცნე ძეთა შენთა,  
რადთამცა დასდონ თავი ერისათჳს თჳსისა და  
მამულისა, და განაკრძალებდი რაჲ მათ, ღირსო,  
აღაგზებდი მოშურნეობითა და საღმრთოჲთა  
ტრფიალებითა, აწცა ნუ დასცხრები ვედრებად  
ღმრთისა მიმართ, საცთურებასა და ჭირთა საკუმილსა  
შინა ჩუენცა გუასხუროს ცუარი მადლისა შენისაჲ,  
რადთა დავდვათ თავი ჩუენი შეუგინებლობისათჳს  
სჯულისა და ძმათა ჩუენთათჳს, და უეჭუელად  
ღმერთი მოგუანიჭებს რაჲ საუკუნოსა ცხორებასა,  
მარადის შენთანა შევასხამიდეთ მას სადიდებელსა  
გალობასა: ალილუია.

## იკოსი 4

არად შერაცხენ შენ შინებად სიკუდილისად და არცა-ღა უკუნ-იქეც დაობლებისათვს შვლთა, არამედ ერთგულებისათვს მამულისა და მშვდობით დაცვისათვს ერთა თვსთა, პატივი და დიდებად დაუტევე, მოცემული შენდა წინაპარ-მამეულად და განიზრახე ვსნად მეფისად, ხოლო აწ მოაკუდინე ყოველნი ზრახვანი მტერთა ჩემთა, რომელთა უნებთ წარმწყმედად ჩემი და ქრისტჳსმიერი წყალობად მოგვეც მოსავთა შენთა და მაქებელთა:

გიხაროდენ, მამულისა ვენახისა, კურთხეულისა, მუშაკო დაუცხრომელო;

გიხაროდენ, გულსა შინა შენსა საღმრთოდსა შიშისა და მოყუასისა სიყუარულისა სამარადისოდ დამნერგველო;

გიხაროდენ, ჭირთა და ურვათა საჯუმილისა დამშრეტელო;

გიხაროდენ, ახოვნებითა და სიმამაცითა სულმოკლეთა და დაჯსნილთა მარცხვენელო;

გიხაროდენ, უძლურთა ძლიერებაო და მძლავრთა დამცემელო;

გიხაროდენ, გლახაკთა შესავედრებელო და შიშველთა სამოსელო;

გიხაროდენ, მართლმსაჯულო უღონოთაო და

ქურივთა და ობოლთა ჯელის-აღმპყრობელო;  
გიხაროდენ, მღვმარედ და ფხიზლად ცხორებისა  
შემაგონებელო;  
გიხაროდენ, სიმართლის მოძულეთა და ბოროტის  
კეთილად დამდებთა შემრისხველო;  
გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამდებელო!

### კონდაკი 5

დაღათუ არა ჰგონებდა საფრჯესა მას ჭემმარიტად,  
დიდ-ბუნებოვანებისა კაცთმოყუარებისა და  
ახოვნებისა შენისათჳს შეგიწყნარა მეფემან დიდითა  
პატივითა, და გრქუა ვნებად მისრულსა: „დაღათუ  
არცალა მრწმენა საფრჯე ეგე, შენდა მაღლიერ ვარ და  
მოგანიჭებ დიდებულებასა მას მაღალსა“, ხოლო ჩუენ  
შევნატრით თავდადებასა შენსა საკვრველსა და  
ვადიდებთ ღმერთსა, დამბადებელსა ყოველთასა:  
ალილუია.

### იკოსი 5

განაკვრვა უკუე მეფე სიმტკიცემან შენმან და უშიშად  
ქცევამან და ყოვლისა სათხოველისა აღსრულებაჲ  
აღგითქუა რაჲ ფიცითა, გრქუა: „ესრეთ განწირავ  
თავსა თჳსსა სიკუდიდ, - მარადის მეოხ და მფარველ

ვექმნები ყოველთა სახლეულთა შენთა და ნათესავთა“; აწ ჩუენცა შეგვწყალე და ევედრე ქრისტესა, მაცხოვარსა ჩუენსა და ღმერთსა, რადთა არა სამართლად მოგვაგოს ბოროტად საქმეთა ჩუენტათს და ცოდვათა შენდობად მოგვცეს მთხოველთა ამათ და მგალობელთა:

გიხაროდენ, კეთილმსახურებისა ნათლითა ბნელთა შინა დაშთომილთა სულთა განმანათლებელო;

გიხაროდენ, ერსა შინა ჩუენსა სიბრძნისა და კეთილმსახურებისა სულისა განმაახლებელო;

გიხაროდენ, მადლითა საღმრთოდთა უმეცართა განმაბრძნობელო;

გიხაროდენ, ნელ-ტფილისა სარწმუნოებისა განმაცხოველებელო;

გიხაროდენ, ქედფიცხელთა და გონებაურჩთა განმსწავლელო;

გიხაროდენ, მრავალთა წყლულებათა განმკურვნელო;

გიხაროდენ, მტერთა ძვრის-ზრახვისა განმცდელო;

გიხაროდენ, უსუნდისობისა სიმყრალის განმწმედელო;

გიხაროდენ, ერისათს შენისა კეთილმსახურებითისა სიტკბოებისა უფლისაგან გამომთხოველო;

გიხაროდენ, წმიდაო იოთამ, სიყუარულისათს ერისა და ერთგულებისათს მამულისა თავისა თვისისა მეფისათს დამდებელო!

## კონდაკი 6

მოგცა რაჲ დასტური მეფემან, განბრწყინდა ასპარეზი ძლევის მოყუარეთაჲ, და რბიოდი გზასა მას იწროსა და საჭირველსა, და განემზადე რაჲ სიკუდილისა დათმენად, ჳმა-ყავ სიბრძნითა და ახოვანებითა: „აწ მეცა მოვკუდე ნაცვლად მეფისა, რამეთუ ესრეთ სთნავს ღმერთსა, გადარჩენისათჳს ერისა ჩუენისა“, და აკურთხევდი ქრისტესა, რომელმანცა მოგცა შენ განზრახვაჲ კეთილი და მაღლითა განბრძნობილი უგალობდი მას, ვითარცა ნათლისა მომცემელსა: ალილუია.

## იკოსი 6

ღამესა მას შემოხდენ რაჲ ორგულნი კარავსა მას მეფისასა, ლოცვითა და სარწმუნოებითა აღჭურვილი ეტყოდი თავსა თჳსსა: „იხარებდ, ჳ, იოთამ! რამეთუ მეფისათჳს მისცემ ცხორებასა შენსა მოკუდავსა, და ქრისტჳსგან, ვითარცა უკუდავისაგან მეფისა მიიღებ ჯილდოდ ცხორებასა დაუსრულებელსა“, და შეჳვედრებდი სულსა შენსა ღმერთსა, გარნა მათ გიხილეს რაჲ მწოლარჳ სარეცელსა ზედა, ჳგონებდეს მეფესა და ვითარცა ცხოვარი დაგკლნეს რაჲ მახვლითა, მოიგე მაღლი ერთგულობისაჲ და გზრგზნი ახოვნებისაჲ და აწ შეერთებული დიდებულსა მწყობრსა სჯულისა და ქუეყანისათჳს

თავდადებულთა მამა-პაპათასა, ნუ დასცხრები  
ვედრებად ცოდვათა შენდობისა ღირს-ყოფად  
მგალობელთა შენთა:

გიხაროდენ, უწყალოდ მახვილითა დაჩხვეპილო და  
მსგავსად სამსხუერპლოძსა ზუარაკისა დაკლულო;  
გიხაროდენ, ტარიგო განწმედილო, ზეცისა  
საკურთხეველსა შეწირულო;

გიხაროდენ, წმიდათა თანა ზეცისა იერუსალჴმსა  
დამკვდრებულო;

გიხაროდენ, ნებსით თვსით სიკუდილისა  
მითვალვითა განდგომილთა მამხილებელო;

გიხაროდენ, საფარველითა მადლთა შენთაძთა ერისა  
ჩუენისა მცველო და მფარველო;

გიხაროდენ, მზაკუვართა და ორგულთა  
მარცხვენელო;

გიხაროდენ, მეფის ერთგულთა სულიერითა  
სიხარულითა აღმავსებელო;

გიხაროდენ, დაცემულისა ქრისტეანულისა სულისა  
აღმაორძინებელო;

გიხაროდენ, რისხვსა საღმრთოძსა დამაყენებელო;

გიხაროდენ, წმიდაო იოთამ, სიყუარულისათვს ერისა  
და ერთგულებისათვს მამულისა თავისა თვსისა  
მეფისათვს დამდებელო!

## კონდაკი 7

ცისკარსა მას მოისწრაფდა მეფე კარავსა თვსსა, და იხილა რად გვამი შენი მცურვალი სისხლსა, დიდად განძნდა და მკურვალთა ცრემლითა დაგიტირა, ხოლო მტერნი და ორგულნი თვსნი შეიპყრნა და არცა-ვინ განერა კელთაგან მისთა, აწ ჩუენცა განვარისხეთ უფალი, ღმერთი ჩუენი, ბოროტად ცხორებითა და გონებითა შეგინებულთა და არაწმიდითა ქცევითა, არამედ შენ იმეოხე წინაშე მისა, დანერგოს ჩუენ შორის შიში და მოძაგებად ცოდვისად და სიყუარული სათნოებისად, რადთა შეწევნითა შენითა ვიქადდეთ და მარადის ვაქებდეთ სახიერებასა მისსა: ალილუია.

## იკოსი 7

მაშინ აღიძრა მეფე მაღლიერებითა და მოუწოდა რად ძეთა შენთა, აღავსო იგინი წყალობითა, და უფროსსა მას ციხე გორისჯვრისად და მამულნი მიუბოძა, და მიანიჭა სპასპეტობად ქართლისად და ამილახორობად სამეფო კარისად, ხოლო მათ კეთილად შეიწყნარეს პატივი ესე, და გულსმოდგინებითა მსახურებდენ რად მეფესა და ერსა, გმადლობდენ შენ, ვითარცა მიზეზსა ამაღლებისა მათისასა და ადიდებდენ ღმერთსა, მისა მიმართ მიგავლენთ შენ მეოხად, დიდებულო, მოგვცეს ჩუენ გული გონიერი და ბრძენი,

გულისხმის-ყოფად კეთილისა და ბოროტისა, რადთა ვილუაწოთ ახოვნებითა ვნებათა მიმართ და ღირს ვიქმნეთ შენდა შეწირვად გალობისა:

გიხაროდენ, ახოვანო და უძლეველო, ღუაწლისა კეთილისა შრომითა და სისხლითა მომღუაწებელო; გიხაროდენ, წარმავალისა დიდებისა წილ წარუალისა ნათლისა მომღებელო;

გიხაროდენ, მტერთა უწყალოებისა მომამდოვრებელო;

გიხაროდენ, საღმრთოდთა ძალითა მზაკუვართა და ორგულთა მარცხვენელო;

გიხაროდენ, უსასოოთა და შეცთომილთათჳს წრფელისა გზისა მაჩვენებელო;

გიხაროდენ, სარწმუნოებისაგან განდრეკილთა და უსჯულოებისა მომქმედთა შემრისხველო;

გიხაროდენ, მეფისათვის თავისა განწირვითა შთამომავალთათჳს საგვარეულო საძვალედ შიომღვიმისა მომპოვნებელო;

გიხაროდენ, საკვრველითა ღუაწლითა შენითა მათთჳს აზნაურობისა პატივისა თავადურითა შემცვალებელო;

გიხაროდენ, ამილახორთა გვარისათჳს საფუძველისა დამდებელო;

გიხაროდენ, წმიდაო იოთამ, სიყუარულისათჳს ერისა და ერთგულებისათჳს მამულისა თავისა თჳსისა მეფისათჳს დამდებელო!

## კონდაკი 8

ესმა რად თავგანწირვად შენი ქართველთა, თუ ვითარ მოკლულ იქმენ ნაცვლად მეფისა - ყოვლითა სიკეთითა სრულისა და აღმკულისა, ვინადცა ბრძოდა და დაშურებოდა ერთობისათვის საქართველოდსა, ღირსად აქებდენ დიდებულებასა სიმკნისა შენისასა, და მადლიერნი ღმრთისა მიმართ, ყოვლად მოწყალისა, შესწირვიდენ მას ქებასა ამას ქებათასა: ალილუია.

## იკოსი 8

დიდად მკნედ და ერთგულად გამოჩნდი შენ, ყოვლად ქებულო იოთამ, რაჟამს განემზადე შეწირვად თავისა თვისისა და აღმსარებელ მცნებისა უფლისასა, რომელსა იტყვს: „უფროს ამისსა სიყუარული არა არს, რადთა დადვას კაცმან სული თვისი მოყუსისათვის თვისისა“, რადცა ყავ - სათნოებად მაღალი და განსათქმელი და ღირსი ყოვლისა შესხმისა:

გიხაროდენ, ზეცადმდე აღწევნულო სუეტო სიბრძნისაო;

გიხაროდენ, შეურყეველო ზღუდეო კეთილმსახურებისაო;

გიხაროდენ, გამოუკვლეველო უფსკრულო სიყუარულისაო;

გიხაროდენ, დამნერგველო კეთილისა ზნეობისაო და  
ღმრთივ-სათნოდსა ქცევისაო;

გიხაროდენ, დაუშრეტელო ზღუაო  
კაცთმოყუარებისაო;

გიხაროდენ, ღუაწლითა შენითა კეთილად  
სრულმყოფელო საღმრთოდსა სარბიელისაო;

გიხაროდენ, ახოვნებისად მის გვრგვნისა წილ  
დამდგმელო ზეცისა გვრგვნისაო;

გიხაროდენ, საფარველითა მადლთა შენთადთა  
მცველო და მფარველო ქართველთა ერისაო;

გიხაროდენ, სუნდისო და სიქადულო ნათესავისა  
ჩუენისაო;

გიხაროდენ, წმიდაო იოთამ, სიყუარულისათვს ერისა  
და ერთგულებისათვს მამულისა თავისა თვისისა  
მეფისათვს დამდებელო!

## კონდაკი 9

დაღათუ პირველვე უწყოდი სიკუდილი შენი,  
სანატრელო, დასდევ თავი შენი და სული ერისათვს  
შენისა და მეფისა, და ივსენ იგი ვნებისაგან და  
სიკუდილისა, ეგრეთვე აწ მგელნი მტაცებელნი გარე  
მოგვადგეს განხრწნად სულისა და ჯორცისა ჩუენისა,  
გარნა შენ შეგვეწიე, ღირსო იოთამ, და დაღათუ არა  
ვართ ღირს ცოდვათა ამათ ჩუენთათვს, ევედრე  
ქრისტესა, ღმერთსა ჩუენსა, მოგუცეს მწყემსი

სარწმუნოდ და მართალი, სათნოდ მეფედ და წინამძღურად სამწყსოთა თვსთა, რადთა ყოვლითავე სულიერითა და ჯორციელითა კეთილითა აღაორძინებდეს ღმრთისმშობლის წილხვედრსა ერსა ჩუენსა, ჟამსა ამას დამცრობილსა და დამდაბლებულსა, და მარადის ადიდებდეს იესუს, მაცხოვარსა და ღმერთსა: ალილუია.

## იკოსი 9

ეჰა, ვითარი სახელ-დიდებულებაჲ შეგძინა შენ თავდადებამან შენმან საკვრველმან, რამეთუ უახოვნესი აჩუენე რად ღუაწლის-მოყუარებაჲ, ეკლესიამან ქართველთამან ყოველთა საცნაურად წმიდანად დაგადგინა და სადიდებელი შენი და მოხსენიებაჲ ყოველთა სამწყსოთა მისთა განგვიჩინა, ხოლო ჩუენ პატივს-გცემთ, ქრისტეს მკედარო იოთამ, და მდგომარენი ლოცვათა შინა გაქებთ შენ და დიდებისგმეტყუელებთ მსგავსად ძალისა ჩუენისა:

გიხაროდენ, ქართველთა მზეო მრავალ-მნათობო, ღუაწლითა შენითა მამულისა წყუდიადისა განმაცისკრებელო;

გიხაროდენ, მართლმადიდებელთა ეკლესიისა ლამპარო, უგულისკმოებისა ბნელისა განმდევენელო;

გიხაროდენ, ღუაწლთა და მოწევნულთა განსაცდელთა თავს-მდებელო;

გიხაროდენ, სოფლისა ღელვათაგან შერყეულთა  
გულთა ღმრთისმოსავობასა ზედა განმსწავლელო;  
გიხაროდენ, სულიერისა მღვდარებისა ზარისა  
დამარისხებელო;

გიხაროდენ, ღმრთისა და მამულის სიყუარულისა  
განმამტკიცებელო;

გიხაროდენ, ყოველთა ბოროტთა ზნე-ჩუეულებათა  
აღმკვეთელო;

გიხაროდენ, სატანისა მაკეთაგან და უცხო თესლთა  
ზედა მოსლვისაგან დამცველო;

გიხაროდენ, ძმათ-უყუარულთა და მზაკუართა კაცთა  
მამხილებელო;

გიხაროდენ, წმიდაო იოთამ, სიყუარულისათვის ერისა  
და ერთგულებისათვის მამულისა თავისა თვისისა  
მეფისათვის დამდებელო!

## კონდაკი 10

რომელსა გაქუნდა თანაღმობად დიდი მეფისა მიმართ  
და განარინე საფრხესა, აწ იხილე ურიცხუთა მტერთა  
საფრკენი განფენილად ბოროტად თანა-მონათესავეთა  
და ერთ-სჯულთა ქართველთა ზედა და გვკსენ  
ურთიერთმძლავრებისა და შინაგანცემისაგან, რამეთუ  
განძლიერებად ერისად ითხოვს ერთობასა, და  
სიყუარულითა ღმრთისა და მამულისადათა

ერთზრახვად შეკრულნი, ვმადლობდეთ და ვადიდებდეთ დამზადებელსა ყოველთასა: ალილუია.

## იკოსი 10

ვითარ გამოუჩნდი შენ მკსნელად ერსა ჩუენსა და მეფესა, ეგრეთცა ყურად-ილე ლოცვანი ჩუენნი და მოგკვსენე წინაშე ღმრთისა, დაშრიტოს საზეპუროსა ერსა ჩუენსა ზედა აღძრული საიდუმლოდ იგი უშჯულოებისად და მოგუმადლოს ჩუენ ღირსნი მამანი და ბრძენნი წინამძღუარნი, რადთა არა სრულიად განიხრწნას საქართველოდ - წილხვედრი ესე ქუეყანად ღმრთისმშობლისად, არამედ ყოველნი ვიქმოდეთ სამართალსა და აღმოვსთქუამდეთ ესევითართა გალობათა:

გიხაროდენ, ზეგარდამო მოვლენილო განწმედისათჳს ერისა შენისაო;

გიხაროდენ, დიდხელოვანო მტერთა ძლევისაო;

გიხაროდენ, მასწავლელი ვაჟკაცობისა და

სულგრძელობისაო;

გიხაროდენ, შეურყეველო გოდოლო ჭემმარიტისა მსჯავრისაო;

გიხაროდენ, დაუჭნობელი ყუავილო საცნაურისა სამოთხისაო;

გიხაროდენ, შუენებაო ქართველთა ბრწყინვალისა დასისაო;

გიხაროდენ, ქრისტეს აღმსარებელთა თანა  
მითუალულო, მომღებლო მუშაკობისა მის  
სასყიდლისაო;

გიხაროდენ, სიმტკიცეო მეფეთა სკიპტრისაო;

გიხაროდენ, სასიქადულო ძეო მამულისა ჩუენისაო;

გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამღებლო!

### კონდაკი 11

თავდადებაჲ შენი საკვრველი არცა-ღა დაინთქა  
სიღრმესა დავიწყებისასა, რამეთუ ძველნი მატიანენი  
გვაუწყებენ მოქალაქობასა შენსა, თუ ვითარ იღუწიდი  
სადიდებელად ღმრთისა და აღორძინებისათჳს  
ივერიისა, ეგრეთვე აწ გზოხე უფლისა მიმართ და  
გვთხოვე, რადთა გარე წარაქციოს რისხვაჲ  
აღდგომილი ჩუენ ზედა, სიმრავლისაგან ცოდვათა  
ჩუენთასა, და ლაზარესაებრ აღგვდგინოს მამული  
ჩუენი - საქართველო - პირველსავე დიდებასა, რადთა  
არა დასათრგუნველ ვიქმნეთ მარბიელთა უცხოთა  
ტომთა და ნათესავთაგან და მინდობილნი ქრისტესა  
ვაქებდეთ ძლიერებასა მისსა: ალილუია.

## იკოსი 11

სამართლად პატივს გცემენ შენ და იქადიან  
ზედგენისძენი ამილახუართა თანა და გმადლობენ  
შენ, წმიდაო, სახელოვანსა და ყოვლად დიდებულსა  
წინაპარსა, ვითარცა მიზეზსა მრავალთა კეთილთასა,  
ამისთვის ჩუენცა მათთანა გაქებთ, ღმრთივდიდებულო  
ოთამ, და მეოხად მიგავლენთ ქრისტეს მიმართ,  
რადთა შენს მიერ ვიქმნნეთ ჩუენ მხედრობად  
ღმრთისა, წინა-აღმდგომად და დამამხობელად  
ყოველთა მტერთა მისთა, და გნატრიდეთ შენ,  
ვითარცა ზღუდესა ჩუენსა და საფარველსა:

გიხაროდენ, ღუარითა სისხლთა შენთადათა  
შეთქმულთა სიცბილისა დამშრეტელო;  
გიხაროდენ, მრავალშეთხზულთა მათ მანქანებათა  
მტერისადათა დამჯსნელო;  
გიხაროდენ, კეთილო შუა-მდგომელო და  
მზაკუვარებათა განმდევენელო;  
გიხაროდენ, ვნებათა აღმურისა და ბოროტთა  
სნეულებათა განმაქარვებელო;  
გიხაროდენ, ნაყოფითა სიმკნეთა შენთადათა  
შემდგომთა შენთა განმამკნევებელო;  
გიხაროდენ, აღბორგებულთა ღმრთისმოძულეთა  
მძლეველო;  
გიხაროდენ, სასტიკებისა და სივერაგისა

მომძულეებლო;

გიხაროდენ, ვიდრე აქამომდე უკუდავისა სახელისა  
მომგებელო;

გიხაროდენ, ქართლოსიანთა მიერ მარადჟამს  
საცსენებელო;

გიხაროდენ, წმიდაო იოთამ, სიყუარულისათჳს ერისა  
და ერთგულებისათჳს მამულისა თავისა თჳსისა  
მეფისათჳს დამდებელო!

## კონდაკი 12

გამოჩნდი შენ ბრწყინვალედ მნათობად, ღუაწლისა  
მძლეო იოთამ, და უქმ-ქმენ რაჲ განზრახვად  
ორგულთა მათ ერისათა, განადიდე სახელი შენი და  
გვარ-ტომობად საღმრთოდთა მოქალაქობითა, ხოლო აწ  
კადნიერებად მათი შეჰმუსრე, რომელნი უღმრთოებით  
აღჭურვილ არიან მართლმორწმუნეთა ზედა, და გჳკენ  
ყოვლისაგან ვნებისა ბოროტთა კაცთაჲთა, რაჲთა  
საწუთოდ ცხორებად კეთილად განვლოთ და ქრისტესა  
ვაქებდეთ სულითა და ჭეშმარიტებითა: ალილუია.

## იკოსი 12

ვითარცა მწნესა და ბრძენსა გიცნობთ შენ კრებული  
მართლმადიდებელთა ქართველთაჲ და მოღუაწებისა  
ძეგლად საცნაურად გხადით შენ, ღირსო იოთამ, და  
გევედრებით: განგუანათლე აწ ღელვითა ცოდვისაჲთა

დაბნელებულნი და სოფლისა შფოთითა ყოვლითურთ  
დანთქუმულნი, და მოგვანიჭე ჩუენ სიმკნს და  
პატიოსნებად და ამაო-ჰყვენ საფრთჯენი და  
საბრკოლონი მტერთანი, რადთა გულითა წრფელითა  
გნატრიდეთ და ქებასა ამას შეგასხმიდეთ ყოველნი:

გიხაროდენ, ქართლოსიანთათჳს ზეცით მონიჭებულო  
სიმტკიცეო, რამეთუ შევნატრით ქართველთა ძუელსა  
დიდებასა და ძლიერებასა;

გიხაროდენ, მამაცობისა ძლიერებითა  
გაბრწყინვებულო, რამეთუ უშიშ იყავ, ვითარცა  
უკორცოდ და დაჰლეწე ყოველი საჭურველი  
მძვინვარისა ბრძოლისად;

გიხაროდენ, რამეთუ შემდგომად დანაწევრებისაცა  
სრულიად საქართველოდსა, ერთ-ნათესავნი შენნი  
იყვნენ სარდალნი ქართლის სადროშოდსა და  
მოურავნი გორისა;

გიხაროდენ, რამეთუ გუარ-ტომნი შენნი კუალად  
ადიდებენ ქრისტესა, რომელმანცა მისცა მათ  
ეგევითარი წინაპარი და აქებენ ღუაწლსა მას შენსა;

გიხაროდენ, მოტყინარეო ლამპარო, რამეთუ  
განაცისკროვნე ღამს ორგულებისად;

გიხაროდენ, საჭურველითა ჯუარისადთა  
შეზღუდვილო, რამეთუ ასპარეზსა ვნებისასა  
განსცხადდი სრულად მკედრად;

გიხაროდენ, რამეთუ ჰნათობ ყოველთა კიდეთა

ქუეყანისა ჩუენისათა, დაუვსებელისა ნათლისა მიფენითა;

გიხაროდენ, დიდებაო აღმსარებელთაო და ბრწყინვალებაო მკედართაო, რამეთუ ადიდა ღუაწლი შენი ეკლესიამან ქართველთამან;

გიხაროდენ, ჭირთა შინა ურცხვენელო კელის აღმპყრობელო, რომელი ყოველთა შევედრებულთა შენთა მიჰმადლებ უხვსა საბოძვარსა წყაროდსაგან ულევისა მადლისა;

გიხაროდენ, წმიდაო იოთამ, სიყუარულისათჳს ერისა და ერთგულებისათჳს მამულისა თავისა თჳსისა მეფისათჳს დამდებელო!

### კონდაკი 13

ჟ, ღუაწლსა შინა მკნეო იოთამ! ნუ გარე-მიგვაქცევ მვედრებელთა შენთა, არამედ მტკიცესა მას შენსა მეოხებასა და მამობრივსა მადლსა და შეწევნასა შევრდომილნი გვკსენ მარადის ხილულთა და უხილავთა მტერთა მრავალ საფრკეთაგან, და ჟამსა მას შინა განსჯისასა განგუარინენ საუკუნეთა მათგან მწარეთა სატანჯველთა, რადთა შენ მიერ ძღუანებულნი მივიწივნეთ ზეციერსა იერუსალჴმსა და ღირს ვიქმნეთ შენ თანა დიდებად ყოვლადწმიდისა სამებისა: ალილუია.

*ეს კონდაკი 3-გზის, შემდეგ იკოსი 1 და კონდაკი 1*

